

Grad Novi Pazar

Skupština grada

Odbornička grupa SDA Sandžaka

Novi Pazar

03. septembar 2023. godine

P R E D S J E D N I K U
SKUPŠTINE GRADA NOVOG PAZARA

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O PODNOŠENJU IZVJEŠTAJA U VEZI POKRENUTIH POSTUPAKA ZA UTVRĐIVANJE ZAKONITOSTI RADA ORGANA GRADA**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red na sjednici Skupštine grada koja je zakazana za 04. septembar 2023. godine.

Predsjednik odborničke grupe

mr. Ahmedin Škrijelj

PRIJEDLOG

Na osnovu člana 32. stav 1. tačka 20) Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), člana 147. Statuta grada Novog Pazara („Službeni list grada Novog Pazara“, broj 6/19) i člana 137. Poslovnika Skupštine grada Novog Pazara („Službeni list grada Novog Pazara“, broj 6/19), Skupština grada Novog Pazara na sjednici održanoj 04. septembra 2023. godine, donosi

O D L U K U

O PODNOŠENJU IZVJEŠTAJA U VEZI POKRENUTIH POSTUPAKA ZA UTVRĐIVANJE ZAKONITOSTI RADA ORGANA GRADA

Član 1.

Obavezuju se predsjednik Skupštine grada i načelnik Gradske uprave za izvorne i povjerene poslove da Skupštini grada podnesu izvještaj u vezi postupaka pokrenutih, od strane odbornika Skupštine grada, za utvrđivanje zakonitosti rada organa grada Novog Pazara koji se odnose na:

- 1) nezakonit rad Gradske uprave iz oblasti radnih odnosa;
- 2) nezakonitog imenovanja vršioca dužnosti direktora javnih preduzeća čiji je osnivač grad Novi Pazar;
- 3) kršenja zakonom propisanih obaveza u pogledu podnošenja izvještaja o radu i nesprovođenju odluka Skupštine grada Novog Pazara;
- 4) nezakonitog rada i funkcionisanja savjeta mjesnih zajednica u Novom Pazaru;
- 5) neovlašćenog i nezakonitog trošenja budžetskih sredstava grada Novog Pazara;

Član 2.

Obaveza iz člana 1. ove odluke ima se izvršiti u roku od 15 dana od dana donošenja odluke.

Izvještaji iz člana 1. tačka 1) – 5) ove odluke, razmatrat će se na prvoj narednoj sjednici Skupštine grada Novog Pazara.

Član 3.

Ovu odluku objaviti u „Službenom listu grada Novog Pazara“.

SKUPŠTINA GRADA NOVOG PAZARA

Broj:

U Novom Pazaru, 04. septembar 2023. godine

PREDSJEDNIK

Dr. Anela Šemović

O B R A Z L O Ž E N J E:

Pravni osnov za donošenje ove odluke sadržan je:

- u članu 32. stav 1. tačka 20) Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018);
- u članu 147. Statuta grada Novog Pazara („Službeni list grada Novog Pazara“, broj 6/19);
- i članu 137. Poslovnika Skupštine grada Novog Pazara („Službeni list grada Novog Pazara“, broj 6/19).

Razlozi za donošenje odluke:

Donošenje ove odluke ima izuzetan značaj u vraćanju organa grada Novog Pazara u zakonom propisane okvire. Dio odbornika Skupštine grada Novog Pazara pokrenuo je više postupaka za utvrđivanje zakonitosti u radu organa Novog Pazara koji se odnose na:

- 1) nezakonit rad Gradske uprave iz oblasti radnih odnosa;
- 2) nezakonitog imenovanja vršioca dužnosti direktora javnih preduzeća čiji je osnivač grad Novi Pazar;
- 3) kršenja zakonom propisanih obaveza u pogledu podnošenja izvještaja o radu i nesprovođenje odluka Skupštine grada Novog Pazara;
- 4) nezakonitog rada i funkcionisanja savjeta mjesnih zajednica u Novom Pazaru;
- 5) neovlašćenog i nezakonitog trošenja budžetskih sredstava grada Novog Pazara, i dr.

U odgovorima koji su dostavljeni od odgovarajućih ministarstava i inspekcijских službi, odbornicima koji su pokrenuli ove postupke, između ostalog navedeno je da rukovodstvo grada Novog Pazara nije dostavilo sve tražene podatke i informacije, a posebno je istaknuto da je predsjednica Skupštine bila dužna da obavijesti odbornike Skupštine grada u vezi preduzetih mjera koje se tiču obustavljanje daljeg nezakonitog rada mjesnih zajednica koje traje više od 10 godina uz neovlašćeno i nezakonito trošenje novca iz budžeta grada Novog Pazara.

Imajući u vidu da nijedna od navedenih obaveza nije ispunjena neophodno je da Skupština grada donese ovu odluku kako bi se princip zakonitosti vratio u rad organa lokalne samouprave u Novom Pazaru te spriječile dalje štetne posledice koje mogu nastupiti. Pored svega navedenog donošenje ove odluke ima izuzetan značaj zato što će se njenom realizacijom obustaviti dalja podređenost lokalne vlasti interesima političkih stranaka koje trenutno vladaju u Novom Pazaru. Institucije pripadaju narodu a ne strankama na vlasti. Vrijeme je da se stavi

tačka i okonča 15-to godišnja zloupotreba vlasti radi zadovoljenja političkih i finansijskih interesa stranaka i pojedinaca na vlasti.

Objašnjenje pojedinih rješenja propisanih ovom odlukom:

Član 1: Utvrđen je predmet odluke.

Član 2: Utvrđen je rok za izvršenje odluke

Član 3: Propisana je obaveza objavljivanja u „Službenom listu grada Novog Pazara“.

Finansijska sredstva za sprovođenje ove odluke nisu potrebna